

2007

GODIŠNJI IZVJEŠTAJ



SAVEZA UDRUŽENJA / UDRUGA IZBJEGLICA, RASELJENIH LICA I
POVRATNIKA U BOSNI I HERCEGOVINI





Sadržaj:

- Saradnja sa
 - Lokalnim udruženjima/udrugama
 - Predstavnicima lokalnih vlasti
 - Entitetskim Ministarstvima
 - Državnim institucijama
 - Ostalim institucijama
 - Domaćim i stranim implementing organizacijama
 - Svjetskim Savezom BH Dijaspore

- Koordinacija u radu nevladinog i javnog sektora
- Internet prezentacija www.sirlbih.org
- Projekti u 2007



GODIŠNJI IZVJEŠTAJ 2007

U protekloj 2007.godini, Savez udruženja/udruga izbjeglica, raseljenih lica i povratnika u BiH je, uz pomoć posebno pripremljenih projekta i kampanja zagovaranja, bio fokusiran na razvoj i poboljšanje ekonomске, socijane i kulturne samo-održivosti procesa povratka u Bosni i Hercegovini, u koordinaciji sa državnim i entitetskim vlastima u BiH, međunarodnim i domaćim (ne)vladinim organizacijama, građanima u iseljeništvu i drugim međunarodnim akterima.

"GODIŠNJI IZVJEŠTAJ 2007" obuhvata kratak pregled realizovanih projektnih aktivnosti, analizu stanja na terenu, kao i osrt na saradnje sa institucijama vlasti, međunarodnim i lokalnim nevladinim organizacijama, u periodu od januara 2007 do decembra 2007. S ponosom Vam predstavljamo rezultate teškog, ali uspješnog rada.

SARADNJA SA LOKALnim UDruženjIMA –UDRUGAMA

U protekloj 2007.godini ostvarena je kontinuirana saradnja sa lokalnim udruženjima/udrugama, koje su članice Saveza, kao i ostalim organizacijama civilnog društva. Od realizovanih aktivnosti, izdvajamo slijedeće:

- ⦿ Izuzetno uspješna saradnja zabilježena je sa udruženjima/udrugama u lokalnim zajednicama Foča, Zvornika, grad Mostara, Stoca, Bosanske Gradiške, Doboja, Bosanske Krupe, kao i ostalim opština/općinama sa kojima je Savez potpisao Memorandume o saradnji (57 opština/općina).
- ⦿ Lobirali smo za naše članice kod lokalnih institucija, međunarodnih organizacija, implementing organizacija i drugih institucija vlasti, da budu partneri u implementaciji zajedničkih projekata ili da im se pruži prilika da samostalno implementiraju odredjene projekte.
- ⦿ Vršene su pripreme i redovna pozivanja udruženja/udruga na različite prijeme, sastanke, Skupštinu, Predsjedništvo, operativne sastanke - konsultativnog karaktera i sl.
- ⦿ Savez je na jednom mjestu okupio predstavnike svojih članica, koje su uzeli učešće na Prvom kongresu izbjeglica, raseljenih lica i povratnika u BiH
- ⦿ Veliki broj zajedničkih obilazaka terena u cilju utvrđivanja stanja u održivom povratku (rekonstrukcija, infrastruktura, elektrifikacija, zdravstvo, socijalna zaštita, obrazovanje, radi zapošljavanje, sigurnost i deminiranje i druge značajne oblasti).
- ⦿ Uključivali smo udruženja-udruge u projekte koje je Savez implementirao sa domaćim i stranim partnerima (Foča, Stolac, Gradiška, Prijedor, Trebinje, Banja Luka i drugi).

Slijedom provedenih aktivnosti, izdvajamo:

- ⦿ U proteklog godini održano je deset radnih sastanaka sa predstvincima udruženja/udruga članica Saveza.
- ⦿ Predstavnici Saveza obišli su trinaest lokacija povratka, koji po prioritetu rješavanja problema zahtjevaju poduzimanje hitnih mjera.



- ◆ Održana je redovna Skupština Saveza i šest sjednica Predsjedništva. Zaključci sa ovih sjednica su redovno proslijeđivani našim članicama.
- ◆ Uspješno organizovan „Sajam zapošljavanja u Foči“, s ciljem pomoći održivom povratku u ovom dijelu naše zemlje, na kojem je zabilježena izrazita posjećenost.



Do kraja 2007. godine Savezovu platformu potpisale ukupno 23 političke partie.

PLATFORMA IZBJEGLICA, RASELJENIH LICA I POVRATNIKA U BIH

Savez je 2006. godine usvojio **Platformu izbjeglica, raseljenih lica i povratnika (2006-2010)**, kojom se, između ostalog, traži od političkih stranaka da realizuju anekse IV, VI, VII Dejtonskog sporazuma i spriječe mirnodopsko etničko čišćenje, da zauštave korupciju i kriminal u

oblasti rekonstrukcije i obnove stambenih objekata, te da preuzmu odgovornost za obnovu 40.000 stambenih jedinica. Platformu su do sada potpisale 23 političke partie.

Provodenje Platforme izbjeglica i raseljenih lica za period 2006-2010 g. bila je

tema razgovora na sastanku predstavnika Saveza sa predsjedavajućim predstavnikom doma Parlamentarne skupštine BiH g. Berišom Belkićem, pri čemu je data puna podrška radu Saveza. Vezano za istu temu, Savez je uputio pismo svim Parlamentarcima u BiH.

15. juna 2007. godine Savez je uspješno organizovao

PRVI KONGRES IZBJEGLICA, RASELJENIH LICA I POVRATNIKA U BIH

Savez sa svojim članicama po svome programskom opredjeljenju i ciljevima, već petnaest godina čini organizovani front pomoći u BiH u okviru održivog povratka.

Nakon dvanaest godina od potpisivanja Dejtonskog mirovnog sporazuma i petnaestogodišnjice rada Saveza, 15.juna 2007 uspješno je organizovan **Prvi Kongres izbjeglica, raseljenih lica i povratnika u BiH**, čiji je cilj bio doprinos efikasnijem održivom povratku u Bosni i Hercegovini u narednom periodu.

Kongresu je prisustvovalo nekoliko stotina zvanica, izmedju ostalih: predstavnici državnih institucija, kantonalnih i entitetskih Ministarstava, predstavnici Agencije i Zavoda za zapošljavanje (Federacije i RS-a), predstavnici Fondova zdrav-

stvenog osiguranja, predstavnici međunarodnih organizacija, lokalnih zajednica, predstavnici Ambasada akreditovanih u BiH, stranih implementing organizacija, predstavnici Dijaspore, predstavnici lokalnih udruženja / udruga povratnika, izbjeglica i raseljenih lica sa područja BiH, Hrvatske i Srbije, i veliki broj predstavnika medijskih kuća.

“Vlasti BiH imaju posljednju šansu da u sljedeće tri godine urade ono neophodno za skoro četvrtinu raseljenog stanovništva Bosne i Hercegovine i da svima koji to žele, omoguće povratak“, jedan je od zahtjeva koji se čuo na Prvom kongresu. Kongres je završen usvajanjem zaključaka od kojih izdvajamo samo neke:

- Dejtonski mirovni spa-

rum, aneks VII, samo je djelomično realiziran. Povrat imovine, stanarskih prava, realiziran je gotovo u potpunosti, dok su povratak i rekonstrukcija stambenih jedinica i infrastrukture još uvijek nedovršen proces. Najslabiji rezultati urađeni su na planu stvaranja uvjeta za održivost povratka.

- Od ukupno oko 225.000 u ratu privremeno zauzetih stambenih jedinica, tokom procesa implementiranja imovinskih propisa vraćeno je oko 99,7 posto te imovine. Preostali dio povrata imovine se selektivno provodi od općine do općine i to se mora spriječiti. Međunarodna zajednica treba nadzirati ovaj proces skupa sa vlastima na razini države kako bi se pojačao monitoring provedbe aneksa VII Dejtonskog mirovnog sporazuma i proces usmjeravao na pravi način.



SARADNJA SA PREDSTAVNICIMA LOKALNIH VLASTI

U svim demokratskim društvinama, građani imaju pravo pristupa informacijama i razvojnim planovima, kao i pravo učestvovanja u cjelokupnom procesu donošenja odluka u zajednici.

S toga, saradnja predstavnika lokalnih vlasti i Saveza, kao unije udruženja/udruga izbjeglica, raseljenih lica i povratnika u BiH, predstavlja vrlo važnu sponu u komplettnom procesu održivog povratka. Smatramo da predstavnici prognanih svojim učešćem u lokalnoj zajednici mogu učiniti vlast boljom, otvorenijom (transparentnijom), odgovornijom, efikasnijom i efektivnijom.

Dosadašnja iskustva Saveza su pokazala da dobra saradnja posebno doprinosi aktivnjem pristupu i rješavanju svih problema, kao i uspješnjem korištenju raspoloživih resursa lokalne zajednice (materijalnih, političkih, kulturnih, obrazovnih i dr.). Uključivanje povratnika u utvrđivanje potreba i zahtjeva lokalne zajednice, kao i proces projektovanja i pripreme akcionalih planova da bi se ove potrebe i zahtjevi zadovoljili je izvanredan način da budemo sigurni da su odgovori na njihove potrebe i pitanja adekvatni.

Lokalna vlast je jednostavan

termin za kompleksnu strukturu koja generalno obuhvata skupštinu lokalne zajednice i druga pravna tijela, gradonačelnika, predsjednika Mjesne zajednice, profesionalnu administraciju (službenike opštinske uprave i sl.).

U 2007. godini Savez je nastavio dobru saradnju sa predstavnicima lokalne vlasti u opštinama u kojima je zabilježen i pozitivan i negativan proces povratka, te je obišao područja povratka u opštinama: Drvara, Bos. Petrovca, Doboja, S. Mosta, Srebrenice, Zvornika, Bratunca, Foče, Goražda, Prijedor, Banja Luke, Mostara i drugih.

SARADNJA SA ENTITETSKIM MINISTARTSVIMA

Saradnja sa entitetskim ministarstvima nadležnim za rješavanje problema u oblasti povratka u 2007. godini uglavnom se odvijala spontano i može se konstatovati jednostrano.

Savez uduženja/uduga izbjeglica, raseljenih lica i povratnika u BiH je u 2007g. otvorio NOVA RADNA MJESTA ZA POVRATNIKE

U 2007 godini Savez je, zahvaljujući Federalnom ministarstvu raseljenih osoba i izbjeglica u okviru realizacije projekta "Nabavka i instaliranje Refil mašina i refilovanje ink jet kertridža", otvorio 6 (šest) povratničkih radnih mesta od planiranih 10 (deset).

Apliciranim projektom predviđena je nabavka i oprema za pet regionalnih centara / odbora na području Bosne i Hercegovine (Regionalni odbor za sjeveroistočnu BiH,

Regionalni odbor za jugoistočnu Bosnu i Hercegovinu, Regionalni odbor za Posavinu, Regionalni odbor za Hercegovinu i Regionalni odbor za sjevero-zapadnu Bosnu i Hercegovinu). Zbog ograničenih sredstava opremljena su tri regionalna centra.

Takođe, Savez je preuzeo obavezu i distribuirao Javni oglas za pomoć održivom povratku, te pružao pomoć povratnicima da pravilno apliciraju.

Rezultat toga je da se na Javni oglas u FBiH prijavilo preko 10.000 aplikantata, a u Republici Srpskoj preko 4.000, tako da je proces obrađivanja dokumentacije aplikantata produžena i na 2008. godinu.

Ono što je itekako pozitivno, kada je u pitanju saradnja sa navedenim ministarstvima, jeste redovno odazivanje na skupovima koje organizira Savez udruženja/udruga izbjeglica, raseljenih lica i povratnika u BiH.



SARADNJA SA DRŽAVnim INSTITUCIJAMA

Delegacija članova Predsjedništva Saveza udruženja-udruga izbjeglica, raseljenih lica i povratnika u BiH u protekloj 2007. godini razgovarala je sa članom Predsjedništva BiH g. Harisom Silajdžićem o problemima i potrebama raseljenih lica i povratnika, ali konkretnih poteza i odjeka ovog skupa nije bilo.

Izražavamo svoje zadovoljstvo saradnjom sa Ministarstvom za ljudska prava i izbjeglice u BiH. Tokom protekle 2007. godine, održano je devet sastanaka na kojima smo pokušali riješiti određene probleme, dati primjedbe, prijedloge, sugestije i mišljenja, i ono što je najpozitivnije - na svaki naš zahtjev u rješavanju bilo kojeg problema, ovo Ministarstvo je djelovalo efikasno i davalо nam punu podršku za dalji rad.

Od ostalih državnih institucija izdvajamo dobru saradnju sa Komisijom za imovinske zahteve BiH i Ministarstvom vanjske trgovine i ekonomskih odnosa BiH.

Predstavnik Saveza imenovan je u Komisiju za izbjeglice i raseljena lica BiH i redovno učestvuje u radu iste.

U 2007. godini

SAVEZ IMENOVAO 72 PREDSTAVNIKA U OPŠTINSKE TIMOVE ZA ODABIR KORISNIKA

Uz saglasnost Ministarstva za ljudska prava i izbjeglice Bosne i Hercegovine, imenovana su 72 predstavnika u Opštinske / Općinske timove za odabir korisnika programa pomoći i rekonstrukcije stambenih jedinica. Sačinjeni prijedlozi su prihvaćeni i uvršteni u posljednju verziju pomenutog Upustva.

Ovoj aktivnosti prethodilo je

učešće predstavnika Saveza u „Izmjeni i dopuni Uputstva o načinu i odabiru korisnika pomoći i rekonstrukcije stambenih jedinica“. Sačinjeni prijedlozi su prihvaćeni i uvršteni u posljednju verziju pomenutog Upustva.

Predsjedništvo Saveza izražava posebnu zahvalnost g. MARIJU NENADIĆU

- pomoćniku ministra za ljudska prava i izbjeglice BiH - na profesionalnom, nesebičnom, ličnom zalaganju u efikasnom rješavanju važnih pitanja održivog povratka u Bosni i Hercegovini.



SARADNJA SA OSTALIM INSTITUCIJAMA

Generalno loše ekonomske prilike u BiH odražavaju se na mogućnosti zapošljavanja cijelog kupa stanovništva. Populacija raseljenih lica i povratnika dodatno je pogodjena, budući da je izložena dugotrajnoj nezaposlenosti. Podaci govore da je svega 1% ove populacije u radnom odnosu.

To je bio razlog da Savez udruženja-udruga izbjeglica, raseljenih lica i povratnika u BiH inicira sastanke sa predstavnicima Federalnog Zavoda za zapošljavanje čiji je krajnji ishod bio potpisivanje Memoranduma o saradnji.

SIRL BiH je preuzeo obavezu informisanja i distribucije aplikacionih obrazaca povratnicima na terenu. Program je isključivo namijenjen ovoj populaciji.

Savez je uputio pismo Ministarstvu za rad i zapošljavanje Republike Srpske g. B. Tomiću, sa prijedlogom da se izdvoje sredstva za poseban program zapošljavanja povratnika. Očekujemo odgovor.

Takođe su održani sastanci sa predstavnicima Željeznica BiH, Investicijske banke i Svjetske banke kako bi se na teren mogle prosljediti

provjerene informacije o mogućnostima zapošljavanja i načinom kreditiranja, posebno registrovanih poljoprivrednih proizvođača.

Dobra saradnja u 2007. godini ostvarena je sa Agencijom za rad i zapošljavanje BiH i Fondom za zapošljavanje Republike Srpske, čiji su predstavnici redovno prisustvovali i aktivno učestvovali u radu organiziranih sastanaka i okruglih stolova od strane SIRL BiH.



SARADNJA SA DOMAĆIM I STRANIM IMPLEMENTING ORGANIZACIJAMA

U ovom Izvještaju, posebno moramo istaći saradnju Saveza sa domaćim i stranim implementing organizacijama za proteklu 2007 godinu. Istina, nismo u mogućnosti predstaviti sistemsku analizu svih aspekata naše saradnje, ali ćemo neizostavno

pomenuti pozitivne primjere dobre saradnje sa: ASB-om; MERCY CORPUS-om; CCI-om; UNDP-om; DEZA-om; SDC-om; DRC-com; UNHCR-om; SIDA-om; OSCE-om; CARE-om; Svjetskim Luteranskim

Savezom, te Ambasadama SAD, Francuske, Njemačke i Švedske.

Uz lobiranje Saveza, Američka Ambasada -Odjel za odnose s javnošću, finansijski je podržao provođenje 3 projekta naših udruženja iz Foče, Konjica i V. Kladuše.

SARADNJA SA SVJETSKIM SAVEZOM BH DIJASPORE

Svjetski Savez BH Dijaspore se za sve godine svoga djelovanja nametnuo kao krovna organizacija koja je do sada pokrenula nekoliko značajnih pitanja vezanih za

BH dijasporu. Savez udruženja/udruga izbjeglica, raseljenih lica i povratnika u BiH je podržao te akcije i u stalnom je kontaktu sa predstvincima dijaspore.

Predstavnici SIRLBH-a prisustvovali su manifestaciji "Dani BH Dijaspore", koja se održavala 25.-29. jula 2007. godine u Sarajevu.

KOORDINACIJA U RADU NEVLADINOG I JAVNOG SEKTORA

Koordinacija u radu nevladinog i javnog sektora je bitan preduslov za zajedničko djelovanje i ostvarivanje pozitivnih rezultata. U tom smislu neophodna je razmjena mišljenja i pružanje informacija za sve potrebe koje čine sastavni dio života raseljenih lica i povratnika, te povezivanje ove populacije sa institucijama sistema.

Kao najbolji metod za provođenje ovakvih aktivnosti kroz dugogodišnju praksu pokazalo se da organizovanje kampanja, okruglih stolova, radionica i slično, daje krajnje efekte.

SIRL BiH je članica NVO Vijeća koje djeluje kao mreža međunarodnih i domaćih nevladinih organizacija

koje međusobno razmjenjuju informacije o aktivnostima, promovišu najbolje prakse u NVO-sektoru, zajedno sa glavnim akterima sektora, zajednički zastupaju NVO-sektor u odnosima sa vladinim i međuvladinim tijelima i agencijama koje djeluju na tlu BiH.

Savez je u 2007 godini nastavio praksi da na jednom mjestu objedini pitanja ciljne populacije i odgovore relevantnih institucija i službi, te je tako na području opštine Foča organizirao je osam okruglih stolova i osam radionica na teme rekonstrukcije, zapošljavanja, zdravstva, školstva i socijalne politike.

Održan je okrugli sto u Banja Luci na temu: „Promjena Ustava / Redefinicija Aneksa VII Dejtonskog S.“

Krajem 2007. godine SIRL BiH je započeo kampanju „Kreiranje održivog modela podrške smanjenju siromaštva u BiH“ i na tu temu organizira okrugle stolove u regijama BiH.

Predstavnici SIRL BiH su učestvovali: na edukacijama u organizaciji Centra za promociju civilnog društva i UNDP-a; na petodnevnom seminaru (Mostar) u organizaciji Centara za lokalni razvoj; na konferenciji u organizaciji OSCE-a (Vogošća).

SARADNJA SA MEDIJSKIM KUĆAMA

Provodenje aktivnosti i rad SIRL BiH tokom 2007. godine pratilo je veliki broj medijskih kuća, sa zadovoljstvom ih imenujemo: RTRS; NTV Hayat; TVSA; FTV; BH Pink; ATV Banja Luka; HTV Mostar; Slobodna Evropa; Radio Herceg-Bosna; Radio Federacije i drugi.



INTERNET PREZENTACIJA - www.sirlbih.org

Službena stranica Saveza kreirana je 1998 godine. U 2007. godini došlo je do pomjene domene (nova domena: www.sirlbih.org) i uslijedio je kompletan redizajniran njenog izgleda. Između ostalog, pored godišnjih izvještaja, realizovanih projekata, posjetiocima mogu naći i redovna službena saopštenja, trenutne projektne

aktivnosti, kao i obrasce za pristupanje Savezu.

U protekloj 2007. godini zabilježili smo nevjerojatno veliku posjećenost: **102.645 posjeta**, od toga **823 pojedinačnih posjetioca**. Najveću posjećenost bilježimo sljedećim redoslijedom: USA, Bosna i Hercegovina, Hrvatska, Srbija, Austrija, Danska, Kanade.

Makedonija, Velika Britanija, Grčka, Njemačka, Kanada, Australija itd.

Već dugi niz godina, Savezovo osoblje pruža savjete raseljenim licima, koja nas redovno kontaktiraju putem e-maila (sirl@bih.net.ba), kako iz zemalja Evropske Unije, tako i SAD-a, Australije i Kanade.



PROJEKTI U 2007. GODINI

Promjena Ustava – Redefinicija Anexa VII na opći Okvirni Sporazum za mir u BiH

Donator: Swiss



Agency for Development and Cooperation DEZA

Period / mjesto: 01.09.2006 – 31.08.2007 / Cijela BiH

Implementator: Centar za ljudska prava Univerziteta u Sarajevu

Partner: SIRLBIH

Kratak opis: Proces povratka izbjeglih i raseljenih lica u BiH biće završen kada se u praksi u potpunosti provede Anex VII Dejtonskog Sporazuma. Proces povratka u 2006 godini usporen je iz razloga nepoštivanja Ustava BiH, posebno članova IV, VI i VII. Iz tog razloga nameće se zadatak promjene Ustava kroz redefiniciju Anexa VII kojim su zagarantovana sva ljudska prava izbjeglica, raseljenih lica i povratnika u BiH.

Jačanje građanske svijesti u lokalnoj zajednici povratka, kao i učešće u odlučivanju u opštini Foča

Donator: DRC



Period / mjesto:

01.02 – 31.07. 2007 / Opština Foča

Implementator: SEE RAN
Partner: SIRLBIH

Kratak opis: Oko 4.500 povratnika na području opštine Foča trenutno ne uživa pravo normalnog korištenja zdravstvene zaštite, nije informisano o nadležnostima Zakonskog rješavanja problema u sferi zapošljavanja, zdravstvenog osiguranja i socijalne zaštite. Provodenjem ovih projektnih aktivnosti usmjerit će povratnike da se reintegrišu u sredinu u koju su se vratili, da štiti njihova osnovna ljudska prava, a time poboljšati uslove njihovog življenja.

Support to the return process of refugees to Bosnia and Herzegovina and the integration process into Serbia

Donator: European Union

Period / mjesto:

01.01. – 31.12.2007 / BiH i Srbija

Implementator: - Arbeiter-Samariter-Bund (ASB) i Srpski Demo-kratski Forum (SDF)
Partner: SIRLBIH

Kratak opis: Pružanje pravne pomoći za povrat imovine, koja do danas nije vraćena izbjeglicama nastajenim na području R. Srbije i omogućivanje ostvarivanja njihovih ljudskih prava, a to je pravo na dom.

U 2007 godini započeli smo sa kampanjom „**Kreiranje održivog modela podrške smanjenju siromaštva u BiH**“. Cilj je smanjenje broja siromašnih u BiH, a prvenstveno u ruralnim područjima putem kreiranja i funkcioniranja održivog sistema podrške borbi protiv siromaštva (Fond, Agencije za ruralni razvoj i prioritetne intervencije) i poticanja građanske solidarnosti. Kampanja je podržana od strane: Centra civilnih inicijativa



CENTRI CIVILNIH INICIJATIVA
ЦЕНТРИ ЦИВИЛНИХ ИНИЦИЈАТИВА

SAVEZ UDRUŽENJA – UDRUGA IZBJEGLICA, RASELJENIH LICA I POVRATNIKA U BIH JE JEDNA OD PRVIH NEVLADINIH ORGANIZACIJA NA PROSTORIMA BOSNE I HERCEGOVINE – OSNOVANA 1993 GODINE OD STRANE IZBJEGLICA I RASELJENIH LICA, S CILJEM RJEŠAVANJA EGZISTENCIJALNIH PROBLEMA OVE GRUPACIJE STANOVNIŠTVA. DANAS, SAVEZ OKUPLJA 93 ČLANICE — UDUŽENJA/UDRUGA IZBJEGLICA I RASELJENIH LICA, ZEMLJORADNIČKE I POLJOPRIVREDNE ZADRUGE SMJEŠTE U BOSNI I HERCEGOVINI, SRBIJI I HRVATSKOJ.

TOKOM PROTEKLIH GODINA, AKTIVNOSTI ORGANIZACIJE SU SE PROŠIRILE, ALI MISIJA JE I DALJE OSTALA ISTA: "POVRATAK IZBJEGLIH I RASELJENIH NA PRIJERATNA MJESTA UZ OSTVARENJE ELEMENTARNIH LJUDSKIH PRAVA – PRAVO NA RAD, ZDRAVSTVO, OBRAZOVANJE".

1997. GODINE SAVEZ JE PRIMIO SPECIJALNI KONSULTATIVNI STATUS PRI UJEDINJENIM NACIJAMA (ECOSOC UN), ŠTO PREDSTAVLJA I NAJSIRI VID OSNOSA KOJU JEDNA NEVLADINA ORGANIZACIJA MOŽE IMATI SA UJEDINJENIM NACIJAMA.

1998. GODINE PROGLAŠENI SMO "HEROJIMA ZA LJUDSKA PRAVA" OD STRANE MEĐUNARODNE KRIZNE GRUPE.

2004. GODINE DOBITNICI SMO "NAGRADA ZA MIR" OD STRANE INTERNACIONALNE LIGE HUMANISTA.

**SAVEZ UDRUŽENJA/UDRUGA IZBJEGLICA,
RASELJENIH LICA I POVRATNIKA U BIH**

MIHRIVODE 29,
71000 SARAJEVO

Tel: +387 33 239 604
Tel: +387 33 239 605
Fax: 387 33 273 581
E-mail: sirl@bih.net.ba
<http://www/sirlbih.com>